


**TRUTH
CENTERED
TRANSFORMATION**

MODULE



**MUNYO KEDE LERO
CAL AGOA**

Jamno me Apwonya

Dul Pwonyere me 1: Munyo kede Lero

- Ango likame akaruno timo imar! Nyuto Tuko – wot papulan adek
- Itatam Adek Acego Cego* – wot papula acel di iko ngongolo en

Dul Pwonyere me 3: Ekuristayone me Ateni

- Nyuto Tukere Adek – wot gi di iko ngongolo gi

Dul Pwonyere me 4: Dwanyo Dub kede Nyenao Tam Wa

- Tuko me Alama Kacol – wot gi arabo icwei kads kame romo dano acel acel – ngongolo enyiriri me agege pi nyuto ne ekodet. Ngol apat go tenge (alama kacol dedede) di iko keto gi ibakasa arabo iye ikapu.
- Madalan me Lono Dub (madalan me 1-5)

Dul Pwonyere me 5: Lunyo Raco kede Bero

- Madalan me Lono Dub (madalan me 6-9)
- Lono Dub: papula adwong Katie nono* – wot gi kame mako atin acel acel

Dul Pwonyere me 9: Rimaro Jo Kajalere

- Yongoyote Kanyare me Tingo Cuny jo pi ticSeven * – wot gi acel acel pi ekodet katidi

***Cal agoa gi da udere iye itabu kame teloi due kasomo. Kame yin itie tic kede itabu katelo idue dwong mere be likame imito woto cal agoa kame tie kede alama ni a (*).**

Dul Pwonyere me 1: “Ango Lika Twero Timo Imar!” Nyut Tuko

Gika neno: Ngacat duka tie cato munyo ki duka mere. Ngawil da otuno pi wilo munyo.

Ngawil me 1 donyo iduka di epenyo wel me munyo. Ngacat duka kwanyo ne munyo, ngawil me 1 culo, ngacat duka dwoko ne ngawil me 1 sente.

Ngawil me 1 ooto di emaro cenj mere di eko niang be ngacat duka odwokone SENTE KATOT. Ngawil me 1 bango nyero di ewaco be, **“Man tin obedo ceng me winyo kibuta! Ngacat duka noni odwoko na cenj okalamo. Mingo me bedo di liki somo; ekwia paka riibo, HAHA!!”** Ngawil me 1 oyai eoto.

Ngawil me 2 donyo iduka di eonyaro pi wilo munyo di eko gamo cenj alika tie kakare kibut ngacat duka.

Di ngawil me 2 donyo ooko, emaro sente me cenj eko niang be ngacat duka odwoko ne sente KATOT KALAMO! Ngawil me 2 obedo kede banya ikuo mere di eko Waco be, **“Oo li. Ngacat duka ni odwoko na sente atot kalamo. Etimo mistek kame kello ne kei sente ki cato wil mere iye epine ni.”**

Ngawil me 2 odwogo gut ngacat duka di likame eyamo kop kamako Rubanga, amotoko kanisa....do eniango won duka be yin idwokona sente atot kalamo.

Ngacat duka gamo dobe be, “Apwoyo twatwal. Ango bin likatieko isoma omio likame angeo imar iber. Manoni tie kello na peko kadwong icato wil na. okwe koto di angeo timo imar iber da.”

Ngawil me 2 cunye otur pi peko ni eko yei be manoni tie peko adwong. Ngawil me 2 oyei konyo ngacat duka ni kede pwonye imar iye pone kayoyot kede medo ne diru ace kame romo konye icato wil mere. Ngacat duka nyuto yom cun di egamo tam kanga wil ca dido ngawil ca donyo ooko me duka.

Dul Pwonyre me 1: Itatam Adek Kacegocego

Jome adul me 1: Ki calo wan, kakame tuo mako kede dano moro emuron oudo bino diko mino gi ki neko lee tetekey gin kiud yat. Kakame ikuristayon osiao kede kop kamako yot kom ki anapeta me TCT, gin kiko geno tic kede gi kame ki pwonyere iye pi muketo tuere mogo kame oudo singo mako gi karacel kede jo kio gi. Jo me calo dedede oko neno be jo kame tie lubo tam kame gin kimio oudo doko ber odocon abongo kwanyo lee moro me aneka. Nan do, jo me calo dedede oko geno tamakino gengo kede muketo tuere Akaka neko leeini me yalo. Manoni oko mino gi ki gwoko sente gi dokon kiko bedo di kom gi yot! Nen bala tic ne Rubanga mio kuo me ikuristan bedo ber odocon. Emio kuo me jo icegun da bedo ber odocon!

- Nyo en kame kanisa oko timo?
- Epone mene en kame kanisa oko neno kede winyo ka Rubanga?
- Alokalo nyo en oko timere iya dul?
- Jo me calere oko timo benyo?
- Epone mene en kame wada otwerunu doko cal bala kanisa ni?

Jome adul me 2: Ki calo wan, kakame jo obino kede kac ipoto, gin oudo ki mio won poto yiko cam ka tot twatwal kede soda arabo waragi pi dano acel acel kotimo ne kony. Cengemogo iudo be garaman me pito jo amano dwong kalamo ameda kame ango apore udo ipoto na! Icen ngei siao kop kamako tice me amara, Ikuristayon oko yei be gin kimito donyo konyo tic ki poti me jo can di likame kipenyo cul moro. Oyotoyot nono, kakame jo ace me calo da oneno kede gikame gin kitie timo, gida kiko jiko penyo cam kede gi amata. Paka angoda kikonyo tic ipoto na. Nan do dano acel acel mito do timo kony ipoti me jo wot gi abongo mito cul moro. Wan dedede obino do kede cam wa di oko tic karacel. Nan do wan dedede omielao pi tuno me kare me kac Akaka bedo kede par, dokon wan nan do okaruno gango miere wa kede ameda kame wok ki kac wa. Atie kede ur pi kite kame kanisa oyei konyo paka jo alikame Ikuristayon. Nen bala amito penyo gi pi...

- Nyo en kame kanisa oko timo?
- Epone mene en kame kanisa oneno kede winyo ka Rubanga?
- Alokalo nyo en kotimere iya dul?
- Jo me calere oko timo benyo?
- Epone mene en kame wada otwero doko cal kede kanisa ni?

Jome adul me 3: Calo wan otieko mino Tice me Amara odoko kuo wa me buli ceng. Wan otimo Tice me Amara buli sabiti. Iye ateni, man do otieko doko kuo amit kibun wan kame paka do ka ngatamoro oneno rem moro, gin kiyaro jiko gikame gin kitie timo dikiko oot tieko peko no. kame ingaroi arabo ituluman opongo yongayo, gin kicungo pi kwanyo gi tenge. Me adwokini, calo wan otieko lokere ki bedo calo kingorijij akalamo, kame tie cen ki dongo kiya dul paka doko kodongo itek di dokon ecil! Nyoro ni wan ogero kanisa kacil itek kede ud kame oudo ikom tic katek kede konyo jo icegun! Me adwokini, calo wa olokere! Wan okaruno neno alokaloka, dokon wada otie neno alokaloka iye epone kame wan otero kede jo icegun. Wan yiwa do yom twatwal di dokon opwoore pi jo me kanisa kito omaro wa kede di kiko nyuto ne wa epone aber me bedo.

- Nyo en kame kanisa oko timo?
- Epone mene en kame kanisa oneno kede winyo ka Rubanga?
- Alokaloka nyo en kotimere iya dul?
- Jo me calere oko timo benyo?
- Epone mene en kame wada otwero doko cal kede kanisa ni?

Dul Pwonyere me 3: Nyuto Tuko

Nganyut Tuko me 1: (Enyutere kede EWAKA)

Man tin ooto iber benyo! Atuco tin ejiri ne ekodet me Jo katot ibomba. Jame me yamo Na oudo winyere kiber but dano dedede pi winyo ilega nango kapiigi tek kede apugan nango me cuny. Ango atieko yamo ne gi epone kopore negi me bedo. Aniang be anga atieko mulo kuo gi, pien gin dedede kikiarao cing gi malo pi doko Jo koyei kakame anga atieko kede tuko ejiri. Ki ateni, likame tie atuc jiri Moro dokon iyadul Ni—ngatamoro ace likame dokon tie kame tic mere owok bala merengo! Do likame tuko tie iye ba: Anga atero isawan 2 iye ilega, esawa 1 isomo Baibuli, buli ceng. Isabiti otiek ca anga alego rikec ceng 3 di ako penyo Rubanga pi mina Jo kolokere 150 idue Ni. Anga amoko be kakame En eneno kede kite kame anga alego kede di akanyo kec, Emito dwoko ilega Na susunyo. Etie gikarac me udo be Jo ace gi likame opong kede cuny bala ngo. Likame gin kingeo Mino komgi itic ka Rubanga... Oo! Ngamera moro da dokon tie ikio na kan. Eneno bala likame eyaro twero ngeno yongayo me dok ture dodi itieko esawa tomon iwie acel! Kenekene. Pore ceng Moro acel ewiny ejiri nango! Liakop, esawa Nan linango me riamakin kede—pien esawa me ilega otieko tuno! (Eonyaro eoto.)

Nganyut Tuko me 2: (Nyutere di cunyi odubere, di tamni rac, gei yamo kede wang cuny)











Wokun kede yamo; Ceng ni tin cal nadi! Atieko ool itek! Bedo dul kom kanisa ni tie TERO kare atot ibutango twatwal! Buli sabiti anga atie tero kare na konyo jo ace. Liakop Akwat otieko Waco na be anga en kame atie winyo me kanisa noni! Icing atin noni da anga awelao jo 3 kame komgi lit di ako kelo negi cam. Nyoro dokon isabiti okato no da, anga aiko epone me gero ne apuserut OT... (Gei nyuto wang cuny) Akwia nyo en komio idue mege likame twero konye – etie kede awobe mege 2 kame pore konye! Anga atero kare na tenge me tura, do likame tie dano moro kame paro be anga atie jalere pi konyo gi! Aniang iber be likame kiyaro pwona pi tic kame anga atimo. Tikatika ber ngakwat kede ekodet me joko yei twero neno epone me Akurisitayo Aber kame Anga Abedo. Do likame kop, esawa me kwaya otuno, ber kong aooti...


Nganyut Tuko me3: (Ti di Imwol Dokon di Inga Swilaro)

Tice kame (dano me 1) kede (dano me 2) mulo kuo nango didik. Gin kibedo jo me cuny kalamo twatwal dokon kitimo jamini katot abeco ne kanisa. Do eneno iber be anga likame atwero bedo ber bala gin. Tin da di oudo anga atie poro be koto ater kare iyei lega, nyaro dokon diko poto ko ngolo conge, di ekomina ajiko ilega pi weno wang apore mere kede twene kede bandej. Awakawaka dokon di esawa me tero idue isukulu di romo. Ingei mano dokon di ayai oot tic ipoto. Dokon di atie dokpaco, agal dokon welao apuserut kame ekeko mere kio kede mera. Dako kanga can—nyoro nyoro ni ekei cware, cunye diko tur twatwal. Cunya da oton pire itek twatwal. Oko tero kare anonok yamo di anga akonye yiko igoen mege, diako lego kede. Yom cuny Moro oko neno ikuo mere, do aparo koto di oudo akaruno timo ne gi kame


kalamo mano me konye. Cunya tur kalamo pi kop kamake. Okwec koto di angada apong kede cuny bala jo ace, koto oudo atimo gikame kalamo kano. (Iko luro wi piny) Papa, tima kisa pien ango likame aber odocon. Amito bedo kede kuo kame mi wor. Nyutna epone kopore me tero kare kede me maro jo ace bala kame yin imito na kede. Ango amito kony kibuti; Ango angeo be likame atwero timo kena.


Dul Pwonyere me 4: Tuko me Alama Kacol


	
	
	
	
	



































Dub kame jo singo timo: _____

MADALAN	CAL	DUB
KWANY DUB		
1. Ngei Dub		
2. Tuc Dub & iko Udo Isasir		
3. Swilaro & Mire		
ONYENAONU IAM WA		
4. Lego Buli Ceng		
5. Pugo Tam Wa		
6. Nyakao somo Tienge		
LUNY RACO KEDE BERO		
7. Ring Tenge iye Atama		
8. Gei kite Kanyen		
9. Cungo pi kopeni		

Dul Pwonyere me 9: Yote Kanyare Me Tingo Cuny Jo Pi Konyo Timo Tic

- Benyo, itieko tamo iye pone ni? Mene en oko tic? Mene en kame liko otio?
- Giasoma mege en kame otwerunu tic kede me pwonyo bero me timo tic?
- Yote mege en kame yin itieko tic kede me ngeno tic me jo kede pwono gi? Tam mege ace en kame yin itwero tamo tic kede?
- Epone mene en kame yin ikaruno mino kede tic bedo me inumunum? Yote mege en kame twero mino kede tic bedo me yom cuny?